

آبونه شرايطي

ممالك عثمانیه ده سنه لکي (۶۵) آلتی،
آيلنی (۳۵) غروشدر .
ممالك اجنبیه ده سنه لکي (۱۷)، التي
آيلنی (۹) فراقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشیندر .

مسئله موافق آثار مع المنونیه قبول
اولنور. درج ایدله یں یازیلر اعاده
اولونماز .

الکشاف

۱۳۳۰ ۱۳۳۱ ۱۳۳۲ ۱۳۳۳

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

محمد عاکف

اشرف اویب

اتبعون اهدکم سبیل الرشاد

اخطارات

رساله مزدن آلتدینی کوسترک
شرطیله بتون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالرک واضح و
اوقوناقلی اولسی و آبونه صره
نومروسی محتوی بولونسی لازمدر .

ممالك اجنبیه ایچون آبونه اولانلرک
آدرسلرینک فرانسیزجه ده یازلسی
رجا اولنور .

پاره کوندردلکی زمان نه یه دائر
اولدیغنک واضحاً بیلدیرلسی رجا
اولنور .

۱۶ — «امکان مستغنی دلیل و بیاندر» دعوائی سبیل الرشادك ۳۵۰ صحیفه سنده فلسفه جدیده ایله رد و جرح ایتدم . بوکاتینی فلسفه دن اولسون برشی دیمدیکیز .

۱۷ — سبیل الرشادك ۳۵۱ نجی صحیفه سنده جائزاتک نصل تغییر اولنه جغنی استیضاح ایتدم . هنوز بر جواب آله مدم .

ذکر اولئان اونیدی ماده نك آلتنده هنوز زبون اولان ، آلتندن قالقه - بیله جگنی - ولوکه بر سوری لاف ایله اولسون - بیان ایدمه میان بر ذاتک موشکاف معارضنه میدان او قومسی عجائب علمدن بریدر .

هنر بو اونیدی ماده نی قواعد شرعیه ، ظوابط فلسفیه ، قوانین علمییه ایله رد و جرح ایتکدر . بومیدانک رجلی ایسه کز قولکیز فیلکیزه مطابق اولسون . یوقسه بوکوند قوت ادله مزه قارشوز بونسکیز ، یارینده ! ...

ازمیری

اسماعیل حق

مَسْئَلَات

هر فنالک باشی جبانته در .

« ایضا تکنونوا یدرکم الموت ولوکنتم فی روح مشیده ... قل ان الموت الذی تقرون منه فانه ملائیکم - فرقان حکیم »

افراد انسانیه نك بعضسندن ذوی العقولی واله وحیران براقان ، افکار انسانیه دهشتلر القا ایدن عملار صدور ایتدیکی موجوداتک شهادتی ، آثارک دلائله ثابت در .

عقل ضعیف اصحابی بو کی محیر العقول اعمالی کوردکجه - ولوکه زمان ثبوتده اولسه بیله - معجزه یه حل ایدیورلر ؛ خوراق عادات ظننده بولنیورلر . بعض غافلرده بوکی اعمال مدهشینی ، اعمال انسانیه اوله رق قبول ایتمیورلرده افلاکک حرکاتنه ، کواکبک ارواحنه ، طوالمک موافقتنه نسبت ایدیورلر .

عقل قاصر اربانه کلنجه : اونلرده بو کی اعمالی ، اسبابی ادرا کدن ، صوابی فهمدن عاجز اولدقلری جهتله - تصادف و اتفاق اوله رق حاصل اولمش شیلر دیه قبول ایدیورلر .

فقط ، حکمت الیه دن نصیبه دار ، هدایت ربانیه یه مظهر اولانلر یقیناً بیلیرلرکه : حکیم وخیر (جل شانہ) حضرتلری هر حادثه نی بر سببه ، هر کسی بر عمله ربط ایتمش در ؛ بونکله برابر کائنات موجوده آره سندن انسانیه موهبه عقلیه ، قوای روحانیه ایله ممتاز قیلمش در ، که بونلر ایله عقللری وله ایچنده براقان عجائب اموره مظهر اولور .. بتون دنیای کنیدنه رام ایدر .. ایشه تکالیف شرعیه نك مناطی ده آنجق او موهبه عقلیه ، بو قوه روحانیه اولدینی کی عندالعقلا مدح و ذمه ، واسع الکرم وسریع الحساب عنندنه ثواب و عقابه استحقاق ده آنجق بو صفتلر ایله در .

نظراءه ان بصیرته مالک اولانلره خفی دکل در که : قوای انسانیه نك

چونکه جوازی بالطبع تصریح بولونامش بولنیور . « دیه ایراد ایتدیکنیز مقدماتی قطعی صورتده رد و جرح ایتدم . بو جهتده سبیل الرشادك ۳۱۷ صحیفه سنده بیان اولونمشدر . بوکاده بر جواب ویرمدیکیز !

۵ — « یاواش یاواش (شریعتک) حکم و تأثیری آزالیورده برعجز وضعف ایچنده رجعت ایدیور » دیه در میان ایتدیکنیز دعوائی ده قطعی صورتده رد و جرح ایتدم . بوخصوص سبیل الرشادك ۳۱۸ صحیفه سنده بیان اولونمشدر . بوکاده بر شی سوبله مدیکیز !

۶ — « جواز حکم شرعی اولسه بیله ینه محتاج استنتا و افتادر » بونک دلائلی سبیل الرشادك ۳۱۸ صحیفه سنده بر تفصیل بیان ایتدم . بوکاده بر شی یوق !

۷ — « صراحت بولنمه ایزه حکم شرعی عد ایتدکاری جواز بیلنه میورده شریعت غیر قابل تطبیق بر حاله کلیور » دیه ادعاده بواندیغکیز مقدمه نی قطعی بر صورتده رد و جرح ایتدم . سبیل الرشادك ۳۱۸ و ۳۱۹ صحیفه لرینه مراجعت اولسون . بوکاده صوصدیکیز !

۸ — اک زیاده اعتماد ایتدیکنیز بر دعوائی یعنی « شریعت محافظه نظام و انتظام مقصدیه وضع و تأسیس اولونمشدر » قضیه سنی بطریق المعارضه رد و جرح ایله اکا قارشو دیگر بر دعوی اقامه ایتدم : « شریعت بالکیز محافظه نظام و انتظام مقصدیه وضع و تأسیس اولونمش بر قانون دکلدر . بوبله بر قانون شریعت جلیله نك بر رکنی در . شریعت جلیله مز معنای لقویس نك دلائلی وجهله اوبله ظاهر ، واضح بر یولدرکه بوبله بر قانونی مشتملدر . شریعت جلیله مز آنجق دنیا و آخرتده مصالح عباد ایچون جناب حق طرفسندن وضع اولونمشدر دیه ایراد ایتدیکم دعوائی ادله قطعی عقلیه و نقلیه ایله اثبات ایتدم . دلیلکیزده کی صفرانک ممنوع اولدینی ، علمی اولدینی ، دلیله غیر مقرون بولندیغنی ، بالعکس بطریق المعارضه ایراد ایتدیکم دلیلک قیاس مقسم اولدینی اثبات ایتدم . بیایرسکیزکه اعتراضاتک اشدی معارضه در . سزک اک قوتلی دلیلکیزده اشدتلی اعتراض ایله مقابله ایتدم . مصادرله علی المطلبیده بولندیغکیزی ده حلاوه ایلدم . سبیل الرشادك ۳۲۷ ، ۳۲۸ ، ۳۲۹ ، ۳۴۵ ، ۳۴۶ صحیفه لریده بو جهتله تفصیل اولونمشدر . بو جهتله هیچ یناشه مدیکیز ؛ اوت بر جواب ویردیکیز : مکابره :

۹ — « جائزانه مقصد شرع وارددر » بوسبیل الرشادك ۳۲۹ صحیفه سنده ادله سبله برابر بیان اولونمشدر . بورادنده سکوت !

۱۰ — « کلوا واشربوا ولا تسرفوا » آیت جلیله سنده کی مقصد اسرافک منع و حرمتی دکل ، بلکه بر عادت مکروهه ، بر عرف جاهلیه نی منع در « بو جهت بر تفصیل سبیل الرشادك ۳۴۶ ، ۳۴۷ صحیفه لریده بیان اولونمشدر . بوکاده هیچ بر شی یوق !

۱۱ — « خلق لکم مافی الارض جمیعاً » نظم جلیلی اشیا ده اباحه نك اصل اولسنه هیچ اولز ایسه دلائل بالاشاره ایله دلائل ایدر » بو بحث سبیل الرشادك ۴۴۷ صحیفه سنده بیان اولونمشدر . بوراسی ده مسکوت عنه !

۱۲ — « احکام اصلیه دن اولان جواز و اباحه نك هیچ بر دلیل شرعی یه احتیاجی یوقدر » دیه در میان ایتدیکنیز دعوائی ده قطعی صورتده رد و جرح ایتدم . سبیل الرشادك ۳۴۷ صحیفه سنده مراجعت اولسون . بورایه ده بر سوز دیمدیکیز .

۱۳ — « جائزاتی تشیی تغییر ایدمه مز » بو دعوائی سبیل الرشادك ۳۴۸ نجی صحیفه سنده ادله سبله بیان ایتدم : بونک حقنده ده هیچ بر سوز دیمدیکیز .

۱۴ — « جوازک امرسلبی اولسی امر اعتباری در » بو دعوائی سبیل الرشادك ۳۴۹ نجی صحیفه سنده دلائلی ایله ایضاح ایتدم . بوکاده برشی دیمدیکیز .

۱۵ — « برشی حقنده جوازینه منافی بر حکم بیان ایدلامش ایسه جوازی ثابت اولور » دعواسنده بولونمق ظاهریه مذهبی قبول ایتک دیمک اوله جغنی سبیل الرشادك ۳۵۰ نجی صحیفه سنده ایضاح ایتدم . بونی قبول ایدوب ایتدیکنیزی بیلهرمدیکیز !

« جین » اولانلر ، حسیض مذلت و مسکنتده اینیم اینیم ایکنه مه بی بک
اهون ؛ اُت ایله دری آره سنده بشارجه سنه مسکنت ایچنده وقت کچیرمه بی
عادتا رفاه و سعادت بیلیرلر .

یوق ، یوق .. بلکه « جیانت » ایله متصف اولانلر هر دقیقه ،
هر آن اولوم آجیسنی طاتارلر ، لکن ینه اونلر ، هر حاله راضی درلر ؛
دشمندن باشقه سنی کوره جک کوزدن ، یالکیز صولومه قله چیقان نفسدن ،
شدت و مشقتک ایراث ایتدیکی الم و کدردن باشقه سنی ا کلایه میه جق
حسدن باشقه بر شیلری قالماسه بیله ینه بولوندقلری حاله راضی اولورلرده
او درکه سفلی دن صیریلوب شرف و علایه صعود ایتک ایسته مزلر .
ایشته « جین » اولانلر کچیردیکی حیات ! .. زواللی هر شبی
قوری بر قناعت اوغورنده محو ایدوب بتیرده آرتیق مقصوده
ایریشدیکنی ، مرادینی آله ایتدیکنی ظن ایدر ! کائناتی کنندینه رام
ایده جک بر قوته مالک اولان انسان ایچون بویه سفلی بر حیات
کچیرمکنن ایسه بر دقیقه اول یرک دینه کیرمک دها اهنون دگلی ؟

جیانت بر چوق سبیلردن تولد ایدرسده بونلرک هر بریسنک
جوهری ایجه تدقیق و ملاحظه ایدیلنجه هپسنک اصلی ثولوم قورقوسی
اولدیغنی کوریورز . بناء علیه « جیانت » ی تولید ایدن اسبابک
باشلیجه سی « خوف موت » در . حال بوکه ثولوم ، هر صاحب حیاتک
مرجی ، هدی روحک منتهای طریق در . ثولومدن قورقق قدر
معناسز بر شی اولاماز . انسان ثولومدن نه قدر تدش ایدرسه
او نسبتده حضور و راحتی منسلب اولور . چونکه ثولوم دنیلن عاقبت
ایرکچ هر فرد ذی حیاتک معروض اولاجنی قطعی بر حقیقت در .
انسان زرده بولورسه بولونسون ، بوندن قورتولوش یوق در . بونی
لسان شریعت ، « اینما تکنونوا یدر ککم الموت ولو کتم فی بروج مشیده ..
قل ان الموت الذی تفرون منه فانه ملا فیکم » نظم منینی ایله افاده
ایتمش در . ثولوم ایچون بر وقت معین ، بر آن معلوم یوق در ؛ اونک
زمان و مکانی (مقدرالآجال) جل شانه حضرتلرندن بشقه کیمسه
بیلمز : « اذا جاء اجلهم لا یستأخرون ساعة ولا یستقدمون ... و ماتدری
نفس ماذا تکسب غدا وما تدری نفس بای ارض تموت ... »

انسانک ، طبیعی و محقق اولان منتهای طریقتدن غفلت ایتمی ،
قوای موهوبه سنی ما خلق لهنه صرف ایتدیکی وقت جناب حقک
کندیسی ایچون حاضر لاش اولدیغنی سعادت داریندن ذهول ایتمی
سبیلهدرکه : خوف موت ، نفسه شو مرض قاتلی ایراث ایدمه جک
درجهیه قدر کسب شدت ایدور . اوت ؛ انسان بعضاً کندیسی
اونوتورده جناب حقک حافظ حیات قیلدیغنی شجاعتک ، اقدامک فنایه
سبب اولدیغنی ظننه دوشر ! جاهل اوله ظن ایدرکه : میدان شجاعتک هر
آدمی باشنده اولوم واردر ؛ اوله توهم ایدرکه : هر بر مخاطره لی در .
مع هذا کوزینک اوکنده کی آثار انسانیه به ، شرف و معالی طلبنده

تشابهنده ، فطرت بشریه نک تمایلنده عقولک یکدیگرینه متقارب ،
بلکده ادراکاتک متساوی اولدیغنه دلالت ایدن بک چوق شیلر
واردر . فکر سلیمک ارشادی ده کوستریورکه : فضل آلهی محقق
صورته هر انسانی بر غایه کالی ایچون حاضر لاش ، و کندیگرینه
فضائل اعمالیه مصدر اولاجقلری شبی - آنجق دقت نظره مالک
اولانلرک آکلایه بیله جکی بر صورته - متفاوت اوله رق احسان
ایله مش در .

حیره محل یوق ... انسانک خلقتنده کاله طوغری بر استعداد
فطری موجود ؛ مآثر ایله تفرد ، جلائل آثار ایله تمیز ایتک
خصوصنده هر فردده بر میل کلی مشهوددر . جواد مطلق طرفندن
بر احسان عمومی درکه : قاصد قصدنده صادق ؛ سالک جدنده خالص
اولدقجه نه بر طالبی خائب و خاسر بر اقیبر ، نه ده بر سائلی رد ایدر :
« وان لیس للانسان الا ماسی وان سعبه سوف یری »

بک اعلا ! مادامکه بویه در ، بنی آدمدن بر جهور اعظمی اک
اک خسیس بر منزله چاقیلوب قاله رق عنایتک کندیگری ایچون حاضر لادینی ،
میل غریزینک آیردینی منازل عالییه وصولدن آلیقویان علت نه در ؟ ..
نه دن طولانی اکثریت عظیمه بک عادی بر حیاته ، ذلت و محکومیت
کبی بهایمک بیله انسیت ایدمه مدیکی بر حاله راضی اولیورده فطرتک
بخش ایله دیکی مجد و شرفی ، حاکمیت و استقلالی آله ایتکه چالیشمور ؟
علی الخصوص بو منازل خسیسه به آلدانوب قالان انسان کومه سی
عدل آلهی بی مؤمن ، و وعد وعید ربانی مصدق ، باقیات صالحات
اوزرینه ثوابی امید ایدن ، ارتکاب خطیئانه قارشى عقابدن قورقان ،
بتون اعمالک عرض اولنه جنی ، هر نفسک عملی نسبتنده مجازاة کوره جکی
کونی معترف اولان بر ملت اولورسه ! ..

بویه اولان کیمسه لری سعی و عملدن آلیقویان ، شرف و علا طلبندن
منع ایدن شی عجبانه در ؟ .. اگر مسیبات اسبابنه رد اولنور ، حقائق
کندی حدود و رسومندن طلب اولنورسه ، کوریلورکه : بو طور غولنک
علت العللی ، بتون بو فنا لقلرک منشائی « جیانت » در .

اوت ، « جیانت » اوله بر علت درکه : مملکتلرک تمامی گوشه دیر ،
بناسنی هدم ایدر . « جیانت » اوله بر علت درکه : روابط امی قطع
ایدرک امتلر بیننده جایگیر اولان نظام و انتظامی دوچار انحلال ایدر .
« جیانت » اوله بر علت درکه : ملوک و سلاطینک عزیمت لرینه ایراث
وهن ایدوب قلیلرینه ضعف دوشوره رک سریر سلطنتلرینی دویور .
« جیانت » اوله بر علت درکه : خیر یا بقی ایسته ین اعظم امته قارشى
خیر قابولرینی قبادیر ، معالم هدایتی محو ایدر ؛ ذلته تحملنی ، مسکنت
ایچنده یو وارلامسنی ، ثقتی داغلردن بیله آغیر اولان بار اسارتی
صیرتنده طاشیمه سنی نفسه اهنون کوستریور . جیانت ، نفسه اهاتی
صبر ایله ، ذاتی بیشکنلکه قارشى لامسنی توصیه ایدر .

اولانلرک نائل اولدقلری فوز و سعادت ، طریق عزملرنده تذلیل ایتدکلری مصاعبه عطف ایدیلجهک اولان بر نظر اوکی قورقونک قوری بر وهم و خیالندن ، - کندیلرینی سبیل حقندن چیقاران ، هر خبردن محروم ایدن - دسائس شیطانیه دن باشقه بر شی اولدیغنی واضحاً کوسترمکده در .

« جبات » شیطانک عباداللهی صید ایتک ، اولنری سبیل الهی دن جویرمک ایچون ائنده بر سلاحدر . « جبات » ، هر رذیله نکلعلی ، هر خصصت ذمیمه نکل منشائی در . بتون فناقلرک مبدئی ، کافه فسادک تخمی آنجق « جبات » در . هیچ بر کفر یوقدر ، که باعث و موجبی جبات اولماسون . « جبات » اوله بر مرصدر ، که جمعیلری پریشان ایدر ، روابط صلاقی قطع ایدر ؛ اردولری منهزم ، سلاطین وامرایی عرش جهالتدن ارض مهانت ایدریر . حروب وطنیه ده خائولری خیانته سوق ایدن اسباب ، « جبات » دن باشقه بر شی می در ؟

ادانی بی ارتشا کی بر دنائته آل اوزاندیران « جبات » دکلی ؟ . بونی کذبده ، معیشت انسانییه بی افساد ایدن سائر مرصدرده ده قولایجه اعتبار ایدیه بیلیرز . چونکه بونلرک هبسی تدقیق ایدیلجهک اولورسه سبب یگانه اوله رق « جبات » ی بولماق قابل دکلدر . فطرت انسانییه مانک اولان هر فرد ایچون ؛ علی الخصوص اللهه ، پیغمبرلرینه ، یوم آخرته ایمان ایدوبده عمللرینک جزاسی اولق اوزره اجر حسن ، مقام علا امید ایدنلر ایچون ؛ جبات کی بر ذمیمه ایله متصف اولق عاردر ، عیبدر .

ملت اسلامیه نکل « جبات » کی بر صفت ردیته دن الک اوزاق بولونملری ایسه اصول دینلری اقتضاسندن در . چونکه بو ، رضای الهییه مقارن اولان شیرلی ادادن آلیقویان موانعک الک شدتلیلرندن در ، ملت اسلامیه رضای الهی دن باشقه بر شی طلب ایتزلر .

قرآن کریمی ائنه آلوبده اوقویانلر یک اعلا بیلیرلرک : جناب حق ؛ حب موتی علامت ایمانندن صایمش ، معاندلرک قیلرینی اونسکه امتحانه چکمش در .

باقیکز ! جناب حق ، مؤمن اولیانلرک ذمنده نه بیوربور : « الم تر الی الذین قیل لهم کفوا ایدیکم و اقموا الصلاة و اتوا الزکاة فلما کتب علیهم القتال اذا فریق منهم یحشون الناس کخشیه الله او اشد خشیه و قالوا ربنا لم کتبت علینا القتال لولا اخرنا الی اجل قریب !... »

دقت ایدیلورمی ؟.. سبیل حقده اقدام ، اعلائی کلمه الله اوغورنده بذل جان ایتک علامت ایمانک الک برنجیلرندن صاییلور . رضای الهییه مقارن اولان الک بیوک عمل ؛ محافظه حق ، اعلائی کلمه الله اوغورنده سل سیف ایدرک میدانیه مجاهدهیه آتیلحق ، حق دشمنلریله جانتسپارانه بوغوشحق اولدینی ناصیل تصریح ایدیلور ؟.. مجاهده میدانیه آتیلحق ایسته میه نلر ناصیل توییح و تذلیل اولنیور ؟..

کتاب الهی ، مؤمنلرک وصفنده اقامه صلاه ، ایته زکاة ، کف

ایدی ایله اکتفا ایتبور . بونلری مؤمنکده ، منافعکده مشترک اولدقلری شیردن عد ایله دیکی جهته منفرداً « ایمان » . دلیل اولق اوزره کلمه حق اعلا ، عدل الهی بی محافظه اوغورنده بذل جان ایتمی کوستریور . بلکه بونی ، فقدانی زماننده یرینه باشقه سی قائم اولمایه حق درجهده بر رکن مستقل عد ایدبور . اوت ، « بن مؤمن » فضیه سنک صدقی اثبات ایچون آرانیلان یگانه دلیل ، اعلائی کلمه الله ، محافظه عدل و حق اوغورنده بذل جان ایتمی کوزینه آلدیرمقددر .

ظن ایدیلرلرک : دین اسلام ایله « جبات » ی قلب واحده جمع ایتک ممکن در ! بو ناصل ممکن اولابیلیرک : دین اسلامک هر بر جزئی شجاعت تمثیل ایدبور ، اقدام تصویر ایدبور . الله ایچون اخلاص ، رضای الهی بی استحصال ایچون جمیع ماسوادن تخلی ایتمی « عماد اسلام » دن صایبور .

حقیقه مؤمن اولانلر یقیناً بیلیرلرک : آجال ، ید الهیه ده در ؛ اونی ناصیل دیلرسه صرف ایدر . فرائضی ادا ده کجیکمک عمرک ترایدی ایچون هیچ بر فائده بی مفید اولدینی کی اویولده اقدام ایتکده عمرندن بر دقیقه بیله تقیص ایتز .

مؤمن ایکی حالدن خالی دکلدر : یا شرف و حیثیتیه یشار ، یا خود شان و شرفله ترک حیات ایدرک منسوب اولدینی جماعتی یشاتیر ، بو صورتله هم ملتک حیاتی تأمین ایدر ، هم کندی شخصی مرتبه شهادته اصعا ایدر !... بر مؤمن ایچون بو ایکی سعادتدن باشقه سی منتظر دکلدر . جناب محمد (صلعم) ک تبلیغ ایله دیکی احکامه ایمان ایله « جبات » ک بر آرا ده بولنه جفی توهم ایدنلر ، یک زیاده آلدلر . نیورلر ؛ بوکیلرده اثر ایمانندن هیچ برشی یوقدر .

قرآن کریمک هر آیتی ، « جین » اولان کیمسه نکل ادعای ایمان ایتسنده یلانجی اولدیغنه شهادت ایدبور . ایشه بونک ایچون درک : ورته انیبا اولان علمادن حق بیان ایتلرینی ، اعلائی کلمه اوغورنده اقدامی امر ایدن ، بو خصوصده اوزرلرینه واجب اولان شیئی ادا ده تراخی بی نهی ایدن آیات الهییه امته آجیق بر لسان ایله آکلامه بی کندیلرندن رجا ایتیه حقمز واردن ظن ایدرم . هم اوله امید ایدرک : اکر علمای کرام حضراتی آز بر زمان شو فریضه بی - امر بالمعروف نهی عن المنکر - ایفا ایدوبده قرآن شریفک معناسنی تبیین و نفوس مؤمنینده احیا ایله کافه سنه وعظ و نصیحتده بولونسلر ، شو ملتده دنیالر طور دقجه خاطرهمی باقی قاله حق اثرلر بر اقدیغنی کورور ، مجد سابقلرینی اعاده ایتدکلرینی عیناً مشاهده ایدرک .

چونکه مؤمنلر ، اسلافلرندن توارث ایتدکلری اخلاق و عادات ، قیلرنده تمرکز ایدن آثار عقاید طولابیلرک یک جزئی بر تنبیه ایله بردن بره طویلانوب آیاغنه قالقارلر ، غائب ایتدکلرینی استرداد ، موجودی محافظه شتاب ایدرلر ؛ بو صورتله عندالهیده مقام محموده نائل اولورلر . آقسه کیلی

احمد حمدی